



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

REPUBLIKA E KOSOVËS / REPUBLIC OF KOSOVO / REPUBLIKA KOSOVA
KOMUNA KLINË
MUNICIPALITY OF KLINA
OPŠTINA KLINA
01 Nr.No.Br. 052-458/20
Data-Date: 08.01.2025
Klina/Klina

**RAPORTI NGA PROCESI I ORGANIZIMIT
TË KONSULTIMIT PUBLIK PËR DRAFT-PLANIN
LOKAL TË VEPRIMI NË MJEDIS 2025-2030**

Janar, 2025



HYRJE

Plani Lokal për Veprim në Mjedis (PLVM) është dokument planifikues - strategjik, për të adresuar zgjidhjen e problemeve mjedisore në nivel lokal. Hartimi dhe miratimi i tij është paraparë me Ligjin për Mjedis (2009/03-L-025). Neni 5, pika 3.2 e këtij ligji, ua përshkruan komunave përgjegjësinë, në bashkëpunim me Ministrinë e Mjedisit dhe Planifikimit Hapësinor dhe Infrastrukturës, për përgatitjen e planit, për mbrojtjen e mjedisit dhe zhvillim të qëndrueshëm brenda territorit të tyre. Kurse, pika 3.5 udhëzon: “planin për mbrojtje të mjedisit dhe zhvillim të qëndrueshëm brenda territorit të komunës, e aprovon Kuvendi komunal përkatës”. Ndërkaq, në mënyrë më specifike, Neni 24 flet për “Planet e Veprimit Lokal në Mjedis dhe Programet Mjedisore” ku pika 1. Specifikon ”Komunat miratojnë planet e veprimit lokal në mjedis ose programe mjedisore për mbrojtjen e mjedisit, në përputhje me Planin e Kosovës për Veprim në Mjedis sipas interesave specifike të saj”. Gjatë hartimit të këtij Plani janë marrë për bazë edhe kërkesat e Strategjive Nacionale që adresojnë çështjet e mbrojtjes së mjedisit në Kosovë dhe të Ligjit për Mbrojtjen e Mjedisit, që paraqesin bazën për hartimin e Planit të Kosovës për Veprim në Mjedis, orientimet strategjike dhe kornizën e veprimeve për mbrojtjen e mjedisit në nivel nacional. Në hartimin e dokumentit janë marrë në konsideratë edhe ligjet e fushës së mjedisit që prekin interesat në nivelin lokal.

Qëllimi i përgjithshëm i Planit Lokal për Veprim në Mjedis për komunën e Klinës është që të identifikojë problemet mjedisore, të përcaktojë prioritetet në sektorin e mjedisit dhe të ofrojë zgjidhje për problemet prioritet mjedisore, duke synuar një menaxhim sa më efikas të tyre, duke i vendosur ato në agjendën e institucioneve përgjegjëse.

Objektivat specifike të planit janë:

Të bëjë vlerësimin e gjendjes ekzistuese të mjedisit dhe ndikimeve në mjedis nga sektorët e ndryshëm zhvillimor;

Të identifikojë dhe përcaktoj problemet kryesore mjedisore në territorin e komunës së Klinës;

Të identifikohen dhe përcaktohen prioritetet kryesore që do të adresohen në kuadër të PLVM-së për periudhën 5 vjeçare;

Të planifikohen dhe përcaktohen afatet, aktivitetet dhe projektet që do të ndërmerren për adresimin e prioritetëve të identifikuar.

PRIORITETET MJEDISORE PËR PERIUDHËN 2024-2029

1. Përmirësimi dhe mirëmbajtja e rrjetit të ujësjellësit në lagjet periferike të zonës urbane me qëllim të zvogëlimit të humbjeve,
2. Rehabilitimi i rrjetit të kanalizimit për ujërat e bardha në zonën urbane, Rregullimi i shtretërve të lumenjve në vendbanimet e rrezikuara nga vërshimet,

3. Ndërtimi i një rezervuari mbi fshatin Çabiq nga i cili do të furnizohen me ujë 11 vendbanime,
4. Përmirësimi dhe mirëmbajtja e rrjetit të ujësjellësit në lagjet periferike të zonës urbane me qëllim të zvogëlimit të humbjeve,
5. Investimi në Fabrikën e ujit në Klinë si në aspektin kualitativ ashtu edhe në atë kuantitativ, pra për eliminimin e turbullirave dhe rritjen e kapacitetit prodhues,
6. Monitorimi i sistemit të furnizimit me ujë të pijes në bashkëpunim me ISHPK,
7. Ndërrimi i gypit të furnizimit kryesor nga Burimi i Jarines deri tek Stacioni i Pompimit,
8. Shtrirja e rrjetit të kanalizimit në vendbanimet perifeike si: Grapc, Binxh dhe Dranashiq,
9. Në anën e djathtë të lumit Drini i Bardhë duhet të shkarkohen ujërat e zeza të këtyre vendbanimeve: Stupë, Budisalc, Nagllavë, Krushëvë e Madhe, Jagodë, Videjë, Deiq, Zajm, Dollovë, Pjetërç i Poshtëm, Pjetërç i Epërm, Drenoc, Dugajevë, Bokshiq, Grabanicë, Qeskovë dhe Këpuz,
10. Ndërtimi i kolektorit kryesor në anën e majtë të lumit Drini i Bardhë në të cilin duhet të shkarkohen vendbanimet: Bërkovë, Leskoc, Drashaniq, Zllakuqan, Grapc, Bingjë, Shtupel, Radulloç, Krushevë e Vogël, Gjurgjevik i Vogël, Klinë, Jashanicë e Epërme, Kërnice, Jashanicë, Resnik, Jellocë, Siqevë, Dush, Pogradjë, Gjurgjevik i Madh, Dërsnik, Dolloç, Gremnik, Qupevë, Qabiq, Zabërgjë, Dobërdoll, Ujëmirë, Gllarevë, Përqevë, Sferkë, Dushi i vogël dhe Volljakë,
11. Rehabilitimi dhe mirëmbajtja e rrjetit ekzistues të kanalizimit për vendbanimet të cilat janë të kyçura në rrjetin e kanalizimit,
12. Ndërtimi i gropave septike për vendbanimet të cilat nuk janë të kyçura në rrjetin kryesor
13. Ndërtimi i kolektorit kryesor për mbledhjen e ujërave të zeza në drejtim të impiantit të planifikuar nga Ministria e Mjedisit dhe Planifikimit Hapësinor dhe Infrastrukturës,
14. Ndërtimi i impiantit në Carravik,
15. Shtrirja e rrjetit të kanalizimit për ujërat e bardha (sipas prioritetit në vendbanimet që kanë probleme me vërshimet) dhe derdhja e tyre në shtretërit e lumenjve dhe përroskave në të gjitha vendbanimet rurale.
16. Rehabilitimi i rrjetit të kanalizimit për ujërat e bardha në zonën urbane,
17. Ndërtimi i shtratit të lumit “Lumëbardhi i Pejës” në Drenoc dhe Grabanicë,
18. Rregullimi i shtratit të lumit “Drini i Bardhë” – Volljakë
19. Ndërtimi i shtratit të lumit Klina, lagjja “Arbëria”, Burim i Jarinjës, Pograxhë.
20. Ndërtimi i kanalit kullues nga Gryka e Jarinjës në Dresnik-Arbëri
21. Ndërtimi i sistemeve moderne të trajtimit të ujërave të zeza
22. Monitorimi i vazhdueshëm i cilësisë së ujërave, si dhe,
23. Definimi i Zonës së Mbrojtjes së Regjimit të Rreptë, Zonën e Mbrojtjes së Regjimit të Kufizuar si dhe Zonën e Mbrojtjes së Regjimit të Lehtë.

VIZIONI PËR KLINËN

“Një komunë e gjelbër ,e qëndrueshme dhe e zhvilluar, ku turizmi, biodiversiteti dhe burimet natyrore mbrohen, ndotja minimizohet dhe komuniteti angazhohet vazhdimisht për një mjedis të pastër dhe të shëndetshëm.”

ECURIA E PROCESIT TË KONSULTIMIT PUBLIK PËR DRAFT-PLANIN LOKAL TË VEPRIMI NË MJEDIS 2025-2030

Kryetari i Komunës së Klinës në bashkëpunim me Drejtorinë e Urbanizmit dhe Mbrojtjes së Mjedisit (Iniciuesi apo propozuesi i aktit), Zyrën për Informim dhe Marrëdhënie me Publikun si dhe Zyrtaren përgjegjëse për Konsultim Publik, duke respektuar UDHËZIMIN ADMINISTRATIV (MAPL) NR.04/2023 PËR ADMINISTRATË TË HAPUR NË KOMUNË, më vendim më numër protokoll 01 Nr. 112-37128/2024, të datës 01.11.2024, kanë caktuar grupin punues në përbërje prej njëmbëdhjetë të anëtarëve:

1. Marqe Tanushi - Selmanaj, Nënkryetarja e Komunës, kryesues,
2. Enver Berisha, Drejtorë i Urbanizmit dhe Mbrojtjes së Mjedisit, anëtarë,
3. Antonije Selmanaj, Zyrtare e lartë për Projekte, anëtare,
4. Dardan Bashota, Inspektori i Mjedisit, anëtarë,
5. Melihate Behramaj, Zyrtarja Kryesore Financiare, anëtare,
6. Idriz Beqiri, Drejtori i KRM “Ambienti”, njësisë në Klinë, anëtarë,
7. Altin Mujaj,
8. Rexhep Sejdija,
9. Driton Raci, Zyrtar Ligjor, anëtarë,
10. Vitore Zefi, Drejtoreshë në Qendrën Rinore “Ardhmëria”.

Pjesë e grupit punues si bashkëpunuese do të jetë edhe zyrtarja për Informim, njëherësh edhe zyrtare përgjegjëse për Konsultim Publik, Vlora Tafili, e cila do të bëjë informimin e qytetarëve të Komunës së Klinës e po ashtu do të menaxhojë aktivitetet dhe procedurat e konsultimit publik të këtij plani.

Grupi punuese si dhe Zyrtari Përgjegjës për Konsultim Publik kanë hartuar planin e brendshëm të organizmit të konsultimit, agjendën, identifikimin e palëve, identifikimin e mjeteve të komunikimit, identifikimin e burimeve, mjeteve, formave dhe mënyrave të nevojshme për procesin e konsultimit publik si dhe përmbylljen e procesit me shqyrtimin e kërkesave.

Përveç takimit të drejtpërdrejtë me publikun në ambientin e **Sallës së Kuvendit Komunal Klinë**, grupi punues ka shfrytëzuar metodën për konsultim me qytetarët prej **21 ditësh** në ueb-faqen zyrtare të komunës dhe në platformën e konsultimit publik në nivel të qeverisë së Republikës së Kosovës:

Komuna Klinë: <https://kk.rks-gov.net/kline/category/konsultimet-publike/>

Platformën e konsultimeve publike – Qeveria e Kosovës: <https://konsultimet.rks-gov.net/>

Materiali për konsultim publik iu është mundësuar të gjithë të interesuarve të merret në formë fizike në **Drejtorinë e Urbanizmit dhe Mbrojtjes së Mjedisit**. Po ashtu, ka qenë i publikuar edhe në ueb-faqen zyrtare të **Komunës së Klinës** si dhe në **Platformën e Qeverisë së Kosovës për Konsultime Publike**.

Draft-Plani Lokal i Veprimi në Mjedis 2025-2030, nuk ka qenë pjesë e Planifikimit të Konsultimeve Publike për Vitin 2024 dhe ky dokument ka lindur nga nevojat e drejtorisë së Urbanizmit dhe Mbrojtjes së Mjedisit.

Shtojca nr. 1 – Tabela e detajuar me numrin e takimeve, pjesëmarrësve dhe numri i atyre që kanë dhënë komente, kërkesa / sugjerime:

Metodat e konsultimit	Data / Kohëzgjatja	Numri i pjesëmarrësve	Numri i atyre që kanë dhënë komente, kërkesa / sugjerime
Takimi i drejtpërdrejtë	27.12.2024	12 pjesëmarrës	0 sugjerime-kërkesa dhe komente.
Platformat elektronike	17.12.2024 06.01.2024	0 pjesëmarrës	0 sugjerime-kërkesa nëpërmjet emailit apo platformave elektronike.

Linku i vendimit për formimin e grupit punues për hartimin e Planit Lokal të Veprimit në Mjedis:

<https://kk.rks-gov.net/kline/wp-content/uploads/sites/15/2024/12/Vendim-per-formimin-e-grupit-punues-per-hartimin-e-Planit-Lokal-te-Veprimit-ne-Mjedis.pdf>

Gjatë procesit të konsultimit publik prej 21 ditësh, komuna e Klinës, përkatësisht drejtoria e Urbanizmit dhe Mbrojtjes së Mjedisit, në takimin fizik të organizuar me qytetarë si dhe në të gjitha platformat ku ka qenë i hapur konsultimi, nuk ka pranuar asnjë **komente, kërkesë apo sugjerime**. Si i tillë, pa ndryshime të pranuar, i përcjellët Komitetit për Politikë dhe Financa si dhe Kuvendit Komunal Klinë, në seancën e rregullt të punës për Shqyrtim.

Dokumentet e lartcekura i janë nënshtruar konsultimit publik në ueb-faqen e Qeverisë së Kosovës për Konsultime Publike:



Mirë se vini në platformën e konsultimeve publike - Bëjeni zërin tuaj të dëgjohet



Rreth Platformës

Bazuar në RREGULLOREN PËR STANDARDET MINIMALE PËR PROCESIN E KONSULTIMIT PUBLIK nr.05/2016, e cila është aprovuar nga Qeveria e Republikës së Kosovës me datë 29 prill 2016, Zyra për Qeverisje të Mirë/Zyra e Kryeministrit, obligohet të krijojë dhe mirëmbajë platformën online, të cilin e shfrytëzojnë të gjitha organet publike për të identifikuar hisedarët për zhvillimin e konsultimit me publikun.

Platforma Online, do të sigurojë zbatimin e standardeve minimale për konsultime publike sipas Rregulores nr. 05/2016. Kjo platformë do të ofrojë mundësinë që të gjitha palët relevante të jenë të ftuara dhe të përfshira në procesin e konsultimit publik për nismat legjislative dhe procesin e vendimmarrjes dhe të politike.



Platforma gjithëpërfshirëse për konsultimet me publikun



Konsultimet e fundit

Njoftim për Konsultim Publik për Draft-Plani Lokal i Veprimit në Mjedis 2025-2030

Njoftim për Konsultim Publik për Draft-Plani Lokal i Veprimit në Mjedis 2025-2030... Me shume

PROJEKT LIGJIT PËR VENDBANIM

Ky ligj rregullon regjistrimin e vendbanimit për qytetarët brenda dhe jashtë vendit, procedurat për regjistrimin e vendbanimit, si dhe krijimin dhe administrimin e regjistrit qendror elektronik të vendbanimit... Me shume

Procesit të organizimit të konsultimeve publike për DRAFT-PLANIN LOKAL TË VEPRIMIT 2025-2030, i kanë kontribuar me pjesëmarrje 12 persona.

Shtojca Nr. 2 – Tabela e numrit të pjesëmarrësve të ndarë sipas gjinisë:

Femra	8
Meshkuj	4
Total:	12

Përfaqësuesja e Grupit Punues,
Xhezide Trepça-Gashi



Klinë, 08.01.2025